



Decisiones Sacramentales, Theologicæ, Canonicae, & Legales

In Quibus Tota materia Sacramentorum, Theologiæ Moralis, Juris Canonici, & Quæstiones plurimæ Juris Civilis explicantur, dilucidantur, & traduntur, Eruditionibus, Historiis, & Exemplis adornatæ ; Opus Episcopis, Vicariis, Parochis, Confessariis, aliisque Studiosis utile, ac jucundum In Libris novem ...

Decisiones Miscellanæ

Chiericato, Giovanni Maria

Augustæ Vindelicorum, 1730

Decisio LXXXIX. Argumentum. Declaratur quid sit Liberalitas? Quotuplex? Quodnam ejus abjectum, & subjectum? Quæ conditiones in ea servandæ, Quæ vitia sint Liberalitati opposita?

[urn:nbn:de:hbz:466:1-94626](https://nbn-resolving.org/urn:nbn:de:hbz:466:1-94626)

liatore non variat malitiam; & est casus legis, quæ vult prospicere indemnitati naufragantium. Non incurrit excommunicationem secundum opinionem Sayri de *Cens. lib. 3. cap. 8. num. 4.* Et Dianz Coordin. tom. 5. tract. 1. resol. 44. quæ desumpta est ex veteri part. 9. tract. 8. & *Misc. 3. resol. 36.* ob eam rationem, quia in Bulla tantum de primo surripiente fit sermo, non verò de secundo, vel tertio: ergo quantumcunque secundus, vel tertius latro sciant, bona illa iniuste esse ex naufragio accepta, non excommunicantur: non enim Censura ultra proprium casum extenditur, cum sit pœnalis.

DECISIO LXXXIX.

ARGUMENTUM.

Declaratur, Quid sit Liberalitas? Quotuplex? Quodnam ejus objectum, & subiectum? Quæ conditiones in ea servandæ? Quæ vitia sint Liberalitati opposita?

SUMMARIUM.

1. Liberalitas quid sit?
2. Quotuplex?
3. Magnificentia quid sit?
4. Objectum liberalitatis, ac magnificentia quale sit?
5. Subiectum earundem Virtutum quale?
6. Innocentii Papa XI. Magnificentia.
7. Venetum Dominum Serenissimum laudatum.
8. Gregorius Cardinalis Barbadicus laudatus.
9. Conditiones Liberalitatis, ac Magnificentia.
10. Vicia iisdem virtutibus opposita.

D^{ic}tum fuit, Liberalitatem [quæ nobilis ac Regia est Virtus cap. de Donat. ubi Gloss. cap. si mora de Prob. in 6. cap. Non satis cap. Consideranda, dist. 86. cap. Constantinus. 1. & 2. dist. 96.] esse actum, seu habitum erogandi bona propria sponte, & libenter in operibus honestis. Ex Arist. 3. Ethic. cap. ult. & 4. Ethic. cap. 1. Appellatione autem bonorum non solum intelliguntur pecuniæ, vel alia mobilia, sed etiam operationes, & labores in publicum bonum impensi, ex quibus Liberalitas resultat, frequenter multò splendidior, multòque clarior.

Est autem duplex Liberalitas. Una ordinaria, qua regularibus erogationibus pecuniarum levantur egentes: & alia extraordinaria, quæ excelsivis, & extraordinariis sumptibus magna struit opera in publicum bonum, decorem, atque honorem, & vocatur Magnificentia: quæ definitur, Rerum magnarum, & excelsarum, cum animi ampla quadam, & splendida propositione cogitatio, atque administratio. Ex Cic. de Juvent. & ex S. August. lib. 83. quæst. 31.

Objectum materiale Liberalitatis, & Magnificentia est pecunia, cujus nomine intelligitur omne bonum temporale. Formale verò objectum est honestas specificans erogationem pecuniæ in ratione honesti.

Subiectum liberalitatis potest esse omnis homo tam dives, quam pauper, tam nobilis, quam ignobilis. Arist. 4. Ethic. 2. Idcirco à Christo laudata fuit Vidua, quæ miserat duo minuta in Gazophilacium. Marc. 12. 40. At Magnificentia subiectatur in divitibus tantum, qui amplos sumptus valent erogare in operibus publicis diu permanfuris: ideo Liberalitatis, & Magnificentia titulis decorantur Reges, & Imperatores in Scripturis Sacris &

profanis, qui Tempia, Xenodochia, Domos publicas, aliaque opera insignia construxerunt, vel in publicum bonum pecuniis amplissimas sunt elargiti. Hinc jure optimo INNOCENTIUS XI. Pontifex Maximus, nunc feliciter regnans, eosdem amplissimos meretur titulos Liberalitatis, & Magnificentia, qui tot centena millia aureorum erogavit, & erogat universis Provinciis (sicut scriptum est *Ethic. 2. 18. juxta magnificentiam principalem*), ad debellandos Turcas, ut ab eorum tyrannide Fideles populos eripiat. Liberalitas, & Magnificentia decet Serenissimum Dominum, & Principem nostrum Venetiarum, cujus immensis sumptibus & terrestres, & navales exercitus sustententur in Thraces ad Catholicæ Fidei, & publicæ libertatis tutamen. His titulis quoque condecorandus Eminentissimus, ac Reverendissimus GREGORIUS BARBADICUS PRÆSUL NOSTER; qui ad promovendam, tum Ecclesiasticam disciplinam, tum Humaniorum, & Sacrarum Litterarum studia in Seminariis, ac Collegiis pro communi bono Clericorum, ac Nobilium Laicorum, & fabricas egregias erexit, & numerum supra numerum Præceptorum, Alumnorumque studentium ære proprio nutrit, & alit; ultra perennes erga egenos elemosynas, ac maritandarum Virginum suffragia.

Conditiones autem Liberalitatis, ac Magnificentia sunt sex. 1. Pecuniam erogare personis honestis verè indigentibus *Psal. 111. 9. Dispersit, dedit pauperibus.* 2. Cum hilaritate *2. Cor. 9. vers. 7. Unusquisque prout destinavit in corde suo, non ex tristitia, aut ex necessitate: hilarem enim datorem diligit Deus.* 3. Absque jactantia, aut vana gloria, *Psal. 11. vers. 4. Disperdet Dominus universa labia dolosa, & linguam magniloquam.* 4. In tempore opportuno, *2. Cor. 8. 14. In presenti vita, vestra abundantia illorum inopiam suppleat.* 5. Præferendo domesticos, ac fideles extraneis sanguine ac fide. *1. Tim. 5. 8. Si quis suorum, & maxime domesticorum curam non habet, fidem negavit, & est infideli deterior.* Et 6. non impropinando, seu non improbrando datum. *Eccles. 4. 1. in fin. Cum dederis, ne impropiores.*

Vitia opposita sunt duo. Unum ex defectu, & est Avaritia: Alterum, ex excessu; & est Prodigalitas, quæ præcipue versatur circa expensas in crapulis, bacchanalibus, comædiis, luxuriis, vindictis, cæterisque indignis; eamque impropinat Seneca lib. 2. de Benef. & Salvator Noster in filio adolescentiori, qui profectus in regionem longinquam, ibi dissipavit substantiam suam vivendo luxuriose. *Luc. 15. 13. Hæc omnia pro resolutione casus peramplè scripserunt Studiosi nostri, eaque desumpserunt ex S. Thom. 2. 2. quæst. 117. 118. ex P. Sylvestr. Mauro Soc. Jesu Commentar. in Aristot. 4. Ethic. 1. ex Marchantio in Tuba Sacerd. tract. 2. lect. 13. Ex Philosoph. mor. Eman. Theauri lib. 6. cap. 1. & seqq. & Eminentiss. Cardin. de Lauræa dict. tom. 2. de Virtut. in gen. disput. 25. art. 12.*

DECISIO XC.

ARGUMENTUM.

Quis dicatur bonæ fidei possessor? Quis autem malæ fidei? declarat præsens Decisio in ordine ad restitutionem.

T 3

SUM.